



山川

鳳凰山在城內相傳昔有鳳凰棲此故名上有鳳凰臺又半里有釣鰲臺與水口鰲塔相望其陽為安遠驛又二里為柳烟灣真潦病涉黎繼周始橋之今廢舊縣志

瑞峯在城北舊建學於此陳志種松數千株為城後障日久樵採傷殘廩生朱覲曦督工補植議僱看守朱志咸豐六年賊攻城於瑞峯頂築礮臺松株砍伐殆盡解圍後補植同治四年重修書院

覽岡在城北二十里廣東與圖

鷓鴣石在縣西南五里磊落江中水落則現或云鷓鴣日集其上故名舊縣志

清遠縣志 卷三

山川

蓮花峽在興仁一圖去縣八里舊縣志

石獅頭在城東十里後岡墟南形若獅子采訪冊

金芝巖在峽山北頂上唐開元中望氣者云五十里內有靈山發金草遣使求之獲靈芝鏗然作金聲因名輿地紀勝巖內分

三洞有石井深數十丈一洞有三石並立水滴其上而地竟不沾其下有穴穴有石燕黃通志

謹案阮通志引南海古蹟記云開元中獲金芝二十四莖又案金芝巖輿地紀勝載在峽山北頂上今考其地在後岡墟東一里許去峽山八里不與峽山相連故舊縣志云去縣九里朱志稿云在興仁鄉去縣十里

峽山在城東三十里一名中宿峽崇山峻峙中通江流上有飛來寺即廣慶寺梁普通間建名山勝境為道書十九福地

右有和光洞一名歸猿洞北有金芝巖前有凝碧灣其水紺

碧左有犀牛潭一名金鎖潭又有釣鯉潭對江山南頂上為

縹幡嶺廣東圖漆水又西南經中宿縣會一里水其處隘名為

觀峽連山交枕絕岸壁竦時水洑至鼓怒沸騰水經注觀亭山

一名觀峽一名中宿峽在縣東三十五里縣昔取此為名元和

志譚子和海嶠志云二月五月八月有潮上二馬峽逐浪返

五羊一宿而至故曰中宿峽寰宇記崇山峻峙如劈太華中通

江流廣慶寺居峽山之中有殿甚古梁武時物也舊傳黃帝

二庶子善音律南採崑崙竹為黃鐘之管隱於此山祠在東

廡有金芝巖在山北嶺上唐開元中得靈芝於此輿地紀勝峽山

在清遠之東兩山對峙江中秦趙胡曾釣得金鯉可重百斤

貢之秦王有釣鯉臺東有尉佗萬人城南海古蹟記觀亭山在縣

清遠縣志卷三 山川 二

東三十五里一云觀峽山或云卽峽山之支麓也又謂之尋

峽姚氏云漢樓船將軍楊僕出尋峽峽去始興三百里近連

山卽此峽矣方輿紀要

唐沈佺期峽山賦縹緲之間有禪關兮俯尋碧嶂勅特賜

之廣慶兮名標峽山嶺然七十二峰兮高侵雲漢且爾百

千萬紀兮永鑲人寰竊惟羊城五嶺之要衝清遠諸峯之

高壓中有絕境山名曰峽澗穿一水之流旁列兩峯之夾

層崖邃谷疊屏帳以重圍怪石奇峯聳樓臺之高插山尖

冠出巫山之十二高起法界之二千竊錫烟籠真物外虛

無之境月明風曩寶壺中別有之天春木茂兮剪琉璃春

花開兮蕩蘭蕙夏風涼兮來殿角秋露冷兮滴松檜冬爐

煖兮新炭酷歲醪酌兮杯盤美壯蓬萊三島之居類天闕

五雲之際間憑晚閣將天外之霞飛夢斷曉鐘聽雲間之

鶴唳紀事者曰昔在梁武帝統臨幅員降二庶子之青衿

來五羊之德輶其後化遊士以去此託舒州之夢焉於是

雲奔電激神殿一霎而中止雕梁竝柱金身丈六以巍然

爰主靈禱居二禺而作鎮中有梵刹羣列釋以安禪輒有

怪異紛紜神靈出沒達摩石兮聖蹟俱存觀音井兮源流

不竭老人巖畔竹交加白泡潭中魚跳躍猿環不見時聽

古木號風犀鎖已沉夜見寒潭浸月更復臺高獅子巖崖

金芝蘇斑斑兮定心泉水森森兮放生池龍磨角而江
素練嶺縹緲而雲走輕旗舍利塔兮觀神人之現波羅樹
今間異香之奇烟釣魚臺往事空追於趙子雲迷和光
洞今人莫覓乎昌期雲衲來遊琴書投靜恬然淡泊於吾
是酪役役紛華而非所競何妨折峽山之遊恍乎步蓬來
之境復系之以詩覽遍名山境無如此岐山兩峯支碧
漢一水抱清灣松老龍猶在波澄勢自還烟波籠佛座風
月伴僧閒騷客吟無盡良工畫想艱奇茂全幅地今古鎮
人

張說詩疏落經荒外逍遙此梵宮雲華吐日月石壁淡烟
紅寶塔靈仙躡懸龕造物功天香涵竹氣虛壩引松風簷
燭葉花入房廊激水通猿鳴知山靜魚
羅九齡詩行舟旁越岑窈窕越溪深水閣先秋冷山晴當
畫陰重林間五色對壁聳千尋惜此生遐想誰知造化心
宋之問詩香岫懸金利飛泉屈石門空山唯習靜中夜寂
無喧說法初聞鳥看心欲定猿寥寥隔塵事何異武陵源
崖天作帶萬壑樹披衣秋菊迎霜序春藤礙日暉映潭花
似鏡繞嶺竹成園寂歷環沙浦葱蘢轉石磯露餘江未熱
風落葦初稀猿飲排虛上禽驚掠水飛牧童夷唱合樵女
越吟歸良候斯為美邊愁自有
進誰憐望鄉國流涕失芳菲

清遠縣志

卷三

山川

三

李鄴詩並序鄴兒時聞山遊者談峽山寺名勝以地遠常
惜為無由而至今茲獲遊周歷五峯然後知峽山之名不
虛矣於靈巖時述講山居之所長而未嘗言所不及虎邱
之劍池不流天竺之石橋下無泉麓峽山之地不副天奇
靈鷲擁前不可遠視尤少平地泉出無潭乃知造化之無
全能也况求友擇人而欲得其全乎去其所闕用其所長
則大小之材無遺致天下於中和不難矣感而賦此以紀
云傳者不足信見景勝於聞一水遠赴海兩山高入雲魚
龍晴自戲猿狖曉成羣酌
酒斜陽下離心草自薰
楊衡詩陰崖東流水上有微風生素雨漾翠澗碧苔數丹
英重林宿雨晦遠岫孤霞明飛猿相攀牽白雲亂縱橫有
客沂輕機閱勝匪羈程逍遙一意間塵土五侯榮奪
茗庶燭熱漱泉聊折醒寄言絲竹者詎識松風聲
許渾詩夜醉晨方醒孤吟恐失羣海鱸潮上見江鶴霧中
聞未臘梅先實經冬草自薰樹隨山崦合泉到石稜分虎
蹟空林雨猿聲絕巖雲蕭蕭異鄉髮明日共絲琴
沿雨峽停橈一訪僧鷺巢橫臥柳猿飲倒垂藤水曲廉干
疊雲重樹百層山風寒殿碧溪別良朋
蜜樹分蒼壁長溪
衝怪石崩中臺一襟淚歲杪良朋
蜜樹分蒼壁長溪
抱碧岑海風聞鶴遠潭日見魚深松蓋環青韻搭根架綠
陰洞丁多斲石蠻女半淘金南浦驚春至西樓送月沉江
流不同嶺何處寄歸心月在行人起千峯復萬峯海虛
爭翡翠溪邏闕芙蓉古木高生擗陰池滿種松火探深洞

燕香送遠潭龍藍鳩寒先曉禾堂

曉并春更投何處宿西峽隔雲鐘

胡會詩乘船浮鶴下直水絕境方知在嶺南蘿薜雨餘山

似黛兼葭烟盡海如藍且遊蕭帝新松寺暮宿嫦娥舊桂

潭不為篋中書未報

便來此地結茅庵

宋蘇軾詩天開清遠峽地轉凝碧灣我來無遲速攝衣步

屏顏山僧本幽獨乞食尚未還雲碓水自舂松門風為關

溪泉解娛客琴筑鳴空山佳人劍公孫遊戲道人間忽憶

笑雲侶賦詩留玉環林深不可見霧雨霾鬢鬢又峽山

釣磯詩岸過鳥聲合水平山影交堂空泉漱玉砌靜笋遺

苞又清遠峽舟中寄賈耘老詩小寒初度梅花嶺萬壑

千巖背人境清遠聊為泛宅行一夢分明墮鄒井覺來滿

眼是湖山鴨綠波搖鳳凰影海陵居士無雲梯歲晚結廬

穎水湄山腰口懸蒼玉佩野馬不受黃金羈門前車馬獵

獵走笑倚清流數鬢絲汀洲相見春風起白蘋吹花散烟

水萬里飄蓬未得歸日斷滄浪淚如洗北雁南來遺素書

苦言大浸沒我廬清齋十日不燃鼎曲突往往巢龜魚今

年玉粒賤如水青錢欲買囊已虛人生百年如寄爾七十

朱顏能有幾有子休論賢與愚倪生狂却帶經鋤天南看

取東坡叟可是

平生廢讀書

蔣之奇詩昨從滇陽來暮過峽山寺通問新昌冠道路傳

者佛余時不敢留一葦翻然逝離經絕妙境已負情幽意

清遠縣志

卷二

山川

四

捲簾坐船舷極目望蒼翠有如逢珍寶不暇貯篋笥又如

過屠門大嚼涎垂唾每欲問其詳會莫得圖志道人山中

來為我譚一二犀去金鎖沉猿歸玉環墜趙胡垂釣石巋

然出江際穆王雙車轍想像常按轡僕晉五仙人曾騎五

羊至後謁二禪師神力與迎馭峇峇五岳塔初自崑崙施

三祖石堪奇僧粲嘗所憩上方獅子臺下視見雲氣異花

成帳幄紅紫嫣然媚蒙茸綠崖草莖葉相覆被或黃如金

叙或白如珠珥造化窮天巧肖象名殊異梁間許渾詩壁

上李翱記但知考事蹟何暇評文字清遠古中宿俯歷南

海遂退之貶潮陽亦曾經此地幢碎達颺風雷電助其勢

我來幸無恙恬然不憂畏祥飈送輕帆然已何神賜

此歸會有日維舟就津次當為少盤桓歷覽憤風志

向敏中詩峽山地勝安禪處萬里危樓壓要津世上豈知

名利路浪中空笑往來人倚門怪石狂遮面入座寒雲碎

繞身日暮西風懶同

首滿林幽鳥語聲頻
胡銓詩山似牛頭峽水如龍尾灣半生多罪垢浣洗塵土
顏似人間舊名一往何年還岫峴烟為鎖玉屏誰與關忽
聞響答谷恍若猿叫山我欲紀未契焉得茅三間泉
漏聽琴筑風雨聞佩環木杪青螺髻善得非雲霧鬢
崔與之詩萬里星槎海上旋名山今喜得攀緣猿猴孫恪
千年淚月照維摩半夜禪磴長荒苔人跡少庄積古樹鶴
巢懸江流上溯曹溪
水時送鐘聲過洞前

李昂英詩雙虬挾虹玉輿入百轉灣向無長公詩草木今
何顏此山二百年偃蹇客往還長風駕余舟老人急開關
逢迎欠高僧喜有識面山平生癖幽壑便合茅三閭君命
何敢留歸棹隨賜環慚愧和光翁笑指青童鬢

下來雨攪犀潭千尺浪崩透龍窟一聲雷松翁偃蓋巖隈
立猿女穿蘿洞裏來舊事蘭亭可拈出婆娑溪曲好銜杯
元賈煥詩五嶺雲霞簇萬峯峽川風雨浩無窮兩山轟起
排神劍一水中流走玉虹古刹飛來仙蹟在妖猿化去世
緣空歸舟却訝重陽

近林下黃花識退翁
明揚起元詩疊翠峯連漢拖藍水接灣浮生非是夢直境
且舒顏機息鷗來狎天空雲去還樹烟籠梵刹花雨點禪
關清籟鳴幽壑畫圖開遠山何須覓天外此即異人間
不見龍歸洞曾聞猿獻環孤峯橫黛色天外露雲鬢

朱燮元詩吳中已睹飛來峯嶺南再陟飛來寺地靈天巧
滿八區河徙山移或有此轟轟千峯兩岸環白虹吐吞山
之間磨角神龍杳莫見斷鎖靈犀不出潭竹蘿朱夏風瑟
瑟更飄暮雨似巫峽官舟毒熱未能揮羨爾雙鳥隨老衲
老衲支筇指上方爛然錦石流瑤漿勸我一吸撐腸飽立
生羽翮凌空翔吁嗟葛壇堆剩翠和光洞口榴花蔽世上

清遠縣志 卷三 山川
虛傳跨鶴圖壁
問休讀歸猿記
國朝王士禎歸猿洞詩若為越女化猿公霧鬢風
鬢向此中留得訶陵瓊子在月明長憶上陽宮

清遠縣志 卷三

海瑞詩峽中奇勝擬蓬萊想是當年欲建
臺天恐此方窮土木故令神物特飛來
查慎行詩巴東三月昔聽愁嶠南三峽今則不北風晨發
滄浦縣吹我桂楫沙棠舟峽中之山阻且修峽中之水平
不流瀆陽畫屏地底板大廟紫烟天際浮就中清遠更秀
出造化有意窮雕鏤青齒蒼花萼競吐綠玻璃鏡奩初收
華陽道官簪碧玉竺國寶髻垂珠璣仙人笙鶴雲渺渺帝
子環珮風颺颺漸行漸遠似相送一重一掩如相留片帆
飛渡二百里又見孤塔迎船頭天憐此老大岑寂况以奇
景須詩酬人間夷險非境造自我發興成清幽君不見東
坡先生海南句平生奇絕誇茲遊

杭世駿詩江流無直波造化妙融結凝此秋一灣知機翠
屏折叢廬窈窕然青危石蠢爾凸岿愁頑蛟蹲到寺漸奔泄
羣峯密構接高蹠忽踏裂虹梁軼天平壘石補空缺
千夫挽長菱哀過啼猿切迢迢孤蓬眠况有萬里別

伊秉授詩別海罷潮汐入峽兼陰晴陰積太古氣晴見峯明崖懸葉墜澗枯木無風鳴無風動客愁况乃西風生百日寄片竹飛纜驅猿行兩岸神虎蹟六時子規聲忠信苟不虧履險只如平息處聽波響庶幾聞成英

飛泉洞在飛來寺圓通殿後渡石橋由綠雲樓入層崖瀑布怪石茂林不可名狀萬歷庚辰邑人朱士讚闢運築臺其間

舊縣志

歐觀祥飛泉洞集唐詩我心愛流水風塵何處斯閒居公道日以聽瀑泉時恬淡無人見幽偏得自怡空山唯習靜聲與靜相宜

前飛泉洞記

朱士讚邑人

余生嶽里雅好飛來十九峯遂號十九峯主人志樂也歲凡數遊遊必招朋侶載酒核上高入深幾盡此山之奇今年五月十有一日是為萬歷庚辰歲也余從諸君子從弟少良涵璧堂饒已散步江詩間猶子顏儀輩報余茲洞大奇也客有陳明伯黎仲華孔元錫者先登如諸子語余遂蹶屨從之路由圓通殿渡木橋踰綠雲樓循水道而北石逕復崖攀蘿跣足三折則瀑布飛泉如環如珮飄飄然別一仙界也泉左有巖巖上廣盈丈深半之懸崖間下者枕泉中中有石牀巖澗滌曲可流觴顧童子取酒羣列飲

清遠縣志 卷三

山川

六

焉載詠載歌月上酒闌始尋故道返余謂寺肇梁唐代著寰宇下至一石一水之異咸藉品題傳播四方而諸洞寂寞林莽中迄千百載始得露奇見知果造物者有所待耶而余幸逢其適不可不藉而彰之也爰命工作洗石磨崖于泉所勒瀉玉字澗側勒流觴字併置石桌一石凳二上巖曰靜觀下曰臥仙澗下有池清澈可浴題曰滌塵屏惡又夷險徑而環植梅竹松名數本洞口為門扁曰飛泉洞嗟嗟士君子遇則乘風雲與天下同春不遇則依考槃藏天下之春于肺腑進亦樂退亦樂任吾所之而功名富貴不與存焉若茲洞者非其地耶余為茲山添一奇喜又為異日得棲隱地喜因記開洞始末鑄石告諸來遊者若夫古木奇花粉紅駭綠種種可人遊者當自得余莫窮其技也

後飛泉洞記

朱士讚

庚辰五月業得飛泉洞于北禺山語具前記中顧鳥道陡懸紆迴壁立遊者非捫蘿攀葛數步一息莫抵其境不能不怖甚以為為可望者不可親乃復週遭相視損高益下路西稍折而上以達飛泉泉之下有地丈許崖泉瀉下雨雪滿天盛暑即之凜凜寒栗併置八角流杯池環以石甃甯水通渠吐以龍首池昨架亭曰枕流漱石亭後結石為路數級以達靜觀巖巖面峻壁凌空纍纍若墜由巖而上可窮泉源處水流滌曲石壁數尋而臥仙巖則枕泉所也由泉而下注為澄潭二大盈丈小數武池上葛蒲澗草交翠

可休可拖池下瀑布玲玲如珮玉驟風疾雨山鳴各應因
跨池構亭日鳴瑠亭下石徑透迤壁陡林菁環以湖草則
曲徑蜿蜒也洞口地稍平衍更做蘭亭故事引水爲池澗
洞九曲可環坐飲十數人而後茲洞形勝悉備獨路故出
圓通殿後戶渡木橋始達今更其門干殿右易以石梁然
後入山有路過客遊人自無停轍章司勳嘉植謂路在梵
戶之後大臨行舟客履一登岸輒去至者終鮮適中指畫
嗟夫江山之勝待人而開是洞也方其未闢榛莽野蔓亦
虎豹猿猴之窟宅爾一旦抉奇剔幽遂稱名勝章司勳謂
甲二馬艷四海觀聽區太史謂東粵無兩而崇陽吳楚材
氏亦言無異桃源流播遠近諸子擁節至者莫不維舟躡
足記咏留題豈地之隱顯固有待耶是役也經始於庚辰
迄工千乙未歷十六稔而後落成遐思曩時孔夏陳黎諸
君子與余經營始事而今晨星落落人生聚散譬之萍梗
則信夫古人秉燭夜遊非無見矣臨風對
景萬里懷思其在斯人與其不在斯人與

靜觀巖在峽山飛泉洞舊縣志

臥仙巖在飛泉洞左有石牀故名舊縣志

孫繩祖臥仙巖詩學得仙人斬睡魔偏從此處臥巖阿耳
根不省猿啼苦夢裏長同蝶翅多十載折腰忘是幻窮年
高枕樂如何我來重訪黃庭訣洞口雲霞隔薜蘿

清遠縣志 卷三 山川 七

和光洞在中宿峽內有四色石榴花寰宇記

歸猿洞在飛來寺後唐有孫恪者納妾袁氏後至寺袁以一

碧玉環獻老僧少頃野猿數十捫蘿而至袁見之乃題詩化

猿去僧方悟乃向所畜者環其頸頸物也詳見歸猿洞記舊縣志

秦曜龍詩一聲長嘯入烟蘿碧玉遺環斷
愛何寄語藁砧休洒淚散場猶勝馬嵬坡
歐嘉際詩寶劍不須傷往事玉環原可証
前身人間面目誰無假歸去山間始覺真

獅子石在中宿峽北山頂上形如獅子古老相傳曰昔有僧

居其石而無泉感老人指泉今玉泉寺寰宇記梁西域跋多羅

三藏法師到禺山見一老僧形容怪甚藏曰大德何來曰居

此山中不知幾寒暑矣請藏過舍行可十里忽失僧所在藏

曰異哉此聖僧也當覓其居復如東南阿見一怪石象若狻

觀乃於石下三十步許建精舍名曰獅子臺今廢舊志

達摩石在峽山寺西有石澗方丈許梁時祖師達摩西來經

此山中禪坐石上故名舊志康熙癸巳知縣孫繩祖改鑄談

經石朱志

朱和達摩石詩面壁人歸不記秋空餘怪石
枕荒坵漫言頑性無靈異說法須知亦點頭

鈞鯉石在峽山寺西昔趙胡於此得金鯉百斤以貢秦王舊志

志通志引南海古蹟記作鈞鯉臺

葛壇石在峽山寺西高數仞闊十餘丈相傳葛稚川嘗遊於

此左右花竹成列積翠如圍石上鑄海濶天空擬唐人所刻

舊志舊築葛仙亭知縣孫繩祖改曰抱樸其上右側為瑤林

朱志

龍磨角石在中宿峽西北其石細滑方圓二丈每年春有龍

清遠縣志 卷三

山川

八

於此磨角有新舊痕宛然袁宇記

雲臺山在峽山古寺巔寬平約二丈許峭壁上篆雲臺二字

相傳為羅隱所鑄舊志云常有五色祥雲出其上舊志

標榜在峽山南頂上唐大厯間哥舒晃叛廣州遣將平之

夢神人謂曰見旛即回及賊平回師果見掛二旛禺山頂乃

知山神之助輿地紀勝

謹案標幡嶺舊志作縹幡嶺南海古蹟記作烟幡嶺

書堂坑在峽山寺東隔溪九龍峯下相傳黃帝二庶子隱此

讀書有二帝子讀書臺邑人朱叔子所建舊志

鄭廣讀書臺詩一椽風雨蔽江隈千古碑銘長綠苔
莫道名山僧便占有人先此讀書臺 按鄭廣南海人

佛跡山在縣東興仁鄉山有大盤石石上有佛及獅象足舊

志云麓有佛跡寺今廢舊志

北樓山在縣治東北山頂上有天池鄉人見龍躍水而驚

峙俗名丫髻山同上

帽山在縣北六十里形圓如帽有兩峯俗曰大帽山小帽山

大清一統志

馬頭山在縣東北十二里

黃藤峽在縣東北十二里

筆架山在縣東北十里三峯並聳形如筆架舊縣志

老熊山在筆架山內朱志稿

馬鞍山在縣北八片村後同上

黃坑山在馬鞍山內同上

花尖山在縣北十六里奇峯峻拔上多花木大清一統志

大和坑山在縣西北十六里澗水幽絕

清遠縣志 卷三 山川 九

臨漢峽在縣西北五十里兩崖壁立延袤五十里方輿紀要

溱源山在縣西二十五里其下溱水出焉下有廟祀溱水神

俗呼為秦王廟郝通志

謹按溱水出桂陽臨武縣歷瀘陽峽與瀘水合與秦王山

所出秦水不可混而為一也郝通志以秦王山為溱源山

非是廟祀秦水神故俗呼為秦王廟可證秦水之非溱水

阮通志知秦山不可謂之溱源山而疑其以溱水經其下

得名亦非是說見秦水

張山在廻岐與大小秦王相連朱志稿

翻鷄山在太平鄉近威壘山同上

白茫山有石筍高二十餘丈腰十圍在善化鄉舊縣志

西望山在善化鄉高數十仞中有仙女壇歲旱祈禱輒應同上

廻岐山在縣西南八十里古名觀岐高竦數十仞逶迤環

有回顧縣治之狀方輿紀要

黃巢磯在城西南九十里郭通志

威整山在縣西南一百里其形森聳望之儼然故名大清一統志

龜山在廻岐山對面兀立水中拱向縣治狀類龜故名朱志稿

神石在縣南三十里形勢雄厚為大燕水口巨鎮朱志稿

馬頭山在縣南六十里大清一統志

燕子巖在馬頭山之麓巖高三丈許深如之廣二十丈昔有

羅鎮撫張千戶守營隱此得道今人呼為二官巖巖有飛玉

泉如雨秋不涸巖上產紫蘭萬歲松舊縣志

白雲洞在清平蛇逕村之東兩山對峙一水中流內有耕耘

塢頂上有高高上有田數十畝林木茂鬱洞口如門邑人鄧

清遠縣志卷三 山川 十

綽建白仙祠於上同上

尖岡在縣南清平鄉下有黃巢磯朱志稿

七星岡在縣東南五里七岡連珠故名舊縣志

大龍嶺在縣南靖定鄉峯巒屹峙如龍狀同上

黃旗山在城南三十里形如屏障與鳳嶺對峙朱志稿

王子嶺在縣東南四十里一名雲騰嶺兩峯並峙頂有石池

大清一統志其峯橫亘數十里迤邐而下有石突起峽中前有躍

龍嶺嶺外特秀曰小塘山上有飛泉左有石室可棲郭通志

筴杯石以圓石中裂形如筴杯故名舊縣志

石村名

仙人石在縣治東八十里滢江白沙塘村後上有仙人臥立

跡 龍王帶飛水潭在濇二鄉舊縣志

鑼鼓石在縣治東七十五里濇江下江一類鑼一類鼓故名

相傳地方擾攘則鳴 企山嶺同上

花山筆架在縣治東八十里濇江鶴田東三峯如筆架與縣

城後筆架山相類採平頭嶺 旂嶺馬嶺高崎俱在濇二鄉

雲屏山在縣治東八十五里濇江浮梁村後頂有石壁長數

丈望如畫屏采訪冊

馬跡山在縣治東七十里濇江螺塘村有石方平面有馬跡

四隻故名同上 帽子嶺在濇二鄉東南

狢猴峽在縣治東八十五里官庄水口林木鬱茂兩岸樹枝

交連常有狢猴攀懸往來故名舊縣志 水口有獅象二嶺對峙

古樓山在縣治東八十五里濇江官庄墟上中有石門穹窿

清遠縣志 卷三 山川 十一

律峯為濇江巨望同上 花嶺 崖門瀛 仙女石山搖坦

石鼓嶺在縣治東八十五里濇江二鄉層巒疊嶂峭壁長松

中有石室牖西戶東一石如懸鼓刻木扣之有聲采訪冊

紗帽石在縣治東八十六里濇江石鼓嶺後狀如帽故名左

有一石室能容二十人右有一石鼓大數丈相傳舊時更點

分明嘉靖甲子雷擊始不響舊縣志

高逕定山在濇二鄉下西嶺村後旁有大石鼓大毛毡仙人

床諸山擁護在縣治東九十里

木茶逕在濇二鄉兩山對峙高數十丈樹林陰翳道路崎嶇

西側有石穴泉水流出作數蓄聚灌蔭山外田數十畝同上

在縣東九十里 石雞臙山在濇二新村上有石床石人石豬寶

棋盤山在縣治一百里濇江穩洞東北登其頂則從化英德

皆見有石棋盤棋子采訪

石龍在穩洞上黎石一石盤曲而下青黃紅色鱗爪若龍同上

石甕在穩洞尾兩山夾澗有三石穴如甕形淵深莫測以巨

石投之聲如洪鍾同上了髻山

清水逕在濳江去縣治一百二十里山巒重疊相連數十里

路由從化圍入上通佛岡龍盤舊置營汛把總一員帶兵八

十名防守後移紮官庄汛房倒塌咸豐八年清平約紳耆以

地方幽僻捐資建復併募鄉勇四十名巡緝列冊稟縣存案

請撥兵二名同守邇來賊盜肅清行人無恐邇丙高路村有

黃壽婦百歲坊建此同上

高涇山在濳江關前東去城一百里由浮梁村入兩山夾澗

迤邐四十里頂有茶亭歇舖為清遠佛岡交界通志載入佛

清遠縣志

卷三

山川

十一

岡廳

大廟峽在吉河口水勢湍急河旁有廟舟過必禱故名舊縣志

通志載入佛岡廳

觀音山去縣東南一百五十里在吉河鄉高出諸山之上峯

巒層疊石室虛敞有天成大士像舊縣志通志載入佛岡廳

將軍帽山在縣西四十里濱江逕口汛內奇石轟起形如兜

鍪乘輿馬到此皆下採訪

黃巢巖在池水相傳黃巢駐兵覆舟於此舊縣志

天馬山在濱江峽橫鎖中流形如天馬與濱江書院相對採訪

鷹山在濱江河洞大圍前如鷹舒兩翼故名採訪

菱角尖山在濱江石馬堡同上

天塘山有二俱在濱江一在平岡山上田塘宅舍俱備一在

筋竹堡魚塘田畝更廣且深茅廬數椽幽居勝境朱志稿

觀音尖山有二俱在濱江一在平岡奇石尖聳狀如文筆登

眺眾山環繞一在新洲孤峯突起高出羣山之上採訪冊

五指山在濱江平岡之北形如五指同上

望花樓山在濱江新洲北袤延數十里上連英德同上

大羅山在縣西北一百四十里相連者曰小羅山西接廣甯

路通懷集猺獞集居其間大清一統志

老窩山在濱江塘坑洞上山高巖險內有架梯一巖高縣數

十丈又有一水巖甚深廣國初巨魁馮天寶曾恃此負固

朱志稿

右山

清遠縣志卷三

山川

十三

政濱江在縣西北六十里源出大羅山流經臨漢峽又南入

湏水大清一統志

阮通志云南海郡舊有政寶縣以政寶江得名唐武德

五年入清遠府縣志作濱江水沿俗名耳

真水在縣東七十里流經縣前至上梅村四會縣分界漢樓

船將軍楊僕出豫章下真水是也輿地紀勝湏水源出大庾嶺流

經韶州府英德縣又南過廢中宿縣方輿紀要湏水宋時謂之貞

水流經觀峽又西南流八十里有黃巢磯相傳黃巢嘗覆舟

於此大清一統志

湏水在縣東自英德縣合湏二水流入縣界又西南入三

水縣合北江大清一統志

湏水又西南逕中宿縣會一里水又南逕中宿縣南又南注

於鬱水經注 滇涇秦雖本三水然至英德縣已皆合流 大清一統志

秦水其源出本縣秦山下南流四十里入官湖合滇江與地紀勝

謹案真水即滇水避仁廟嫌名改為真水見輿地紀勝秦

水出桂陽臨武縣即肄水見水經注南歷滇陽峽出峽則

滇水注之又西南涇水入焉秦水出本邑秦山與出桂陽

臨武之溱水迥別府志云溱水源出溱源山俗言秦王水

誤也是合秦水與溱水為一又因素水誤作溱水遂並誤

稱秦山為溱源山其說非是阮通志又曲為之解謂溱山

以溱水經其下故名溱山後人不察遂以溱水出於溱山

乃妄改溱山為溱源山耳然溱水歷滇陽峽出峽即與滇

水合尚在英德界內而秦山所出之秦水又由秦山下南

流四十里方合滇江是溱水滇水合流之後尚有獨流四

清遠縣志 卷三

十里之秦水秦水出於秦山則秦山何必遠藉溱水得名

哉雖溱水入滇水之後未嘗不可稱滇為溱然秦山下未

入於滇之秦水則斷不能稱為溱也秦山之下但有秦水

並無溱水安得謂山以溱水得名哉

藜塘水水旁多產藜樹舊志

米貴水在金釵灣上中有二水相傳米貴水流朱溪岸米賤

水流綠林塘故名同上

月溪水其源出牛嶺合滇江輿地紀勝在縣東興仁鄉舊志

潮水在縣東源出小帽山同上

冠江水在縣東南源出觀音山西流至灑江口入滇大清一統志

國朝王士禛詩東嶽被山足舟行當翠微灑江流水遠涯口 住人稀梅日臨崖吐蠻禽拍浪飛阮俞如可采長蟪竟忘 歸

飛水在縣西三十五里源出大岐峽南流入湫大清一統志

石頭潭在縣西四十里

沙河水在縣北後岡村西流與飛水合同上

黃崗水在縣北源出小羅山土同

廉水在縣西四十里高平鄉源出重山趾水側有人姓廉居

此因名與地一名山塘水西流入湫大清一統志

燕水源出番禺縣黃山北流九十里合真江與地在縣南五

十里大清一統志在廻岐山對面有石閩人作梁漁利甚廣府志

謹按方輿紀要廻岐山下有岐水當卽此水也

連水在縣東南四十里源出王子嶺流入湫大清一統志

龍潭在縣東南嘗有龍起志

觀音井一名定心泉在峽山寺西其泉清淺而味甘常溢不

清遠縣志 卷三 山川 五

竭相傳昔跋多羅三藏居此寺乾涸無泉一日忽見老人問

曰何求孳孳如此三藏曰爲無泉可汲耳老人指石云但定

其心何慮無泉三藏遂於巖前朝夕誦經命工鑿石而泉湧

出因名定心泉舊志

明何吉鑿定心泉詳快哉定心泉一飲清徹骨至人以此洗胸中無一物隱之云負泉夷齊終不易假使盜蹤來飲

此將安適我心如琉璃與水澄一碧若向泉覓定定泉何處覓

白泡潭在峽山上流六七里府志

凝碧灣在峽山寺前上同

金鎖潭府志及舊縣志作犀牛潭在縣東三十里秦時崑崙貢犀牛帶金

鎖走入潭中晉時有漁人周重築者釣得金鎖牽之見犀牛

掣之不得忽斷得金鎖一尺寶字

歐爲光金鎖潭詳靈犀自古能分水遠貢胡爲落島間疑是彼臣麟異物故將金鎖斷前灣

放生池卽峽山前峽水是也上至白泡潭下至犀牛潭唐天寶年間京師劉楚舟泊寺岸見五色雲從峽山起夜夢數人各青衣揖謂曰願易此海爲安樂窩也晨興與知者議曰莫非水族必此界之神龍也表聞於上遂奉敕禁絕漁捕賜峽爲祝聖放生池舊志

湯泉在縣東五十里其石如鏡方圓一丈從冷水溪中突起高七尺餘兩面冷水流其中四時氣蒸如雲霧可煮食物患瘡者浴之立效實字

湯泉有二一在縣東滄江湯塘村有石岡中凹如窩四時泉流不絕氣蒸如霧可煮食物患瘡者浴之立效一在縣西善化鄉三甲水在滄江一鄉與從化花縣三路水匯流故名

謹按輿地紀勝有湯泉其說與寰宇記同今本寰宇記誤

清遠縣志 卷三 山川 去

作陽水

滾水坑在滄江社岡村左高山腰四時鼎沸可宰牲採訪冊

淘金坑在滄江沙河旁橫出小溪產碎金朱志稿 滄江一鄉石

門洞內亦有金坑採訪冊

白石潭在滄江源出上崗大巖尾爲陽山清遠交界處朱志稿

羅山坑源出大羅山入政賓江同上

池水在滄江司署後源出埧仔墟山上流至司署前與政賓

江合同上

鑼鼓灘在滄江東岸同上

羅塘在鑼鼓灘上同上

沙河在政賓江羅塘水口上同上

浸潭在沙河上四十里同上

